

清微玄樞奏告儀



清微玄樞奏告儀

為十

入壇

焚淨穢符於水盃中

念天地呪

跪啓

恭以玄都境妙有神通寸誠難達靈寶香無

為清淨一炷遍聞

具位臣某誠惶誠恐稽首頓首再拜上啓

祖師清微真元妙化天帝清微紫宸大華天

帝清微太初天君祖師玄天仁威上帝祖師

高元清真紫虛元君祖師玉華通惠元君祖

師泰玄上相正一真君祖師天機內相神功
妙濟真君祖師金闕昭凝妙道保仙元君祖
師龍光道明元君祖師紫英玉惠元君祖師
西華清虛真君祖師青城通惠朱真人雲山
保一李真人眉山混隱南真人丹山雷淵黃
真人宗師雲萊葉真人古今歷代傳法授道
演教諸大宗師恭望師慈俯垂省覽切以靈
寶開光祖炁雲羅於五億玄元演妙神功日
赫於三千惟道為尊無師不度以今某涓卜
今宵朝告斗極專為某順禳星度請福消災

伏望振環珮於霄衢聯翩下邁揭網維於吾
道黼黻朝修法衆運誠修齋奉請今某前
寶閣六修齋雲輿散花獻茶

臣重誠上啓

祖師清微真元妙化天帝清微紫宸大華天

帝清微太初天君祖師玄天仁威上帝祖師

高元清真紫虛元君祖師玉華通惠元君祖

師泰玄上相正一真君祖師天機內相神功

妙濟真君祖師金闕昭凝妙道保仙元君祖

師龍光道明元君祖師紫英玉惠元君祖師

西華清虛真君祖師青城通惠朱真人雲山
保一李真人眉山混隱南真人丹山雷淵黃
真人宗師雲萊葉真人古今歷代傳法授道
演教諸大宗師恭望師慈俯垂省覽切以元
始懸寶珠演度人之妙旨老君昇玉局肇解

為十一

二

厄之玄科可以保命延年可以消災度厄令
傳善士繩繩繼繼以相承為說良緣世世生
生而有賴咸歸正道遂免迷津伏念臣宿植
善根早親正法謬領行持之職敢後宣揚罔
明修進之階惟深憂懼匪賴陶鎔之造曷符

效信之機臣今某入意領詞虔恪按格宣行
以今瞻斗極而請炁焚符列星壇而法天像
地匪繇宗主曷遂開張伏乞差撥將兵下臨
壇所蕩除氛穢祇迓真存或典封緘或專翊
衛分司列職達悃通誠庶獲感孚以昭玄貺
臣今澄心遣欲念道思真賴正炁以資拱仗
祥光而照燭真火蕩焚於五體靈風披拂於
三田變化凡軀融成妙相庶俾飛罡激指運
炁合神認真形於虛無渺漠之間如鏡顯相
素本命於妙有靈明之景似谷應聲當願嵐

雲澄靜星斗燦明奏告蒙霽霈之恩存念遂
感通之願臣誠惶誠恐稽首頓首再拜虔祝
侯命之至謹言

念金光咒

存神

步罡

焚符

召將

馬工

三

斗樞有將職贊璇璣賞善罰惡察過言非玉
帝有命咸鎮瑤池聞吾呼召風火奔馳降臨
壇所毋輒稽違

一炁都督雷府分司焚香飛符宣召
玄樞飛捷急奏報應使者方央中翊輔玄斗

太一天君王志璇璣靈應總真天君龔洪保
元昭烈樞靈天君劉潛願聞宣召速降行壇
有事委請

身披羽服佩帶七星人間禍福報應分明欽
準元降符命告召

斗中擊羊上仙使者楊汝明斗中陀羅大仙
使者耿妙真平樞上相真君斗機通事舍人
聞今召命速赴壇場有事委請

天中之神斗曜之精左有汝明右有妙真神
通莫測出幽入冥吾今催召速赴壇庭有違

吾令如逆帝宸急急準

北帝敕召律令

一炁都督雷府分司飛符催召

斗中玄樞飛捷急奏報使者方元帥翊輔玄

斗太乙天君王元帥璇璣靈應總真天君龔

元帥保元昭烈樞靈天君劉元帥斗中擎羊

上仙楊使者斗中陀羅大仙耿使者斗樞上

相真君斗機通事舍人各各分身化氣下降

燈壇檢察事情昭示禍福大彰報應以副禱

祈惟神靈通煩赫變化難量無為而成有召

立至瞬目揚眉之內徑達九天回頭反掌之
間遍周三界所求皆應無願不從以今當職
奉為某涓卜今宵朝告斗極請頒恩命專為
某祈保平安仰煩斗中仙使齎持符命敬叩
北斗璇璣應靈宮奏請

皇

四

北斗九宸上道星君北斗九皇夫人斗中諸
靈官衆聯降星壇證盟修奉俾令闕告咸賜
如言今也召仙仙到請聖聖臨呈化此符合
明大心急急如元降律今就煩威力攀屈斗
中天醫諸大靈官解厄神吏仍煩關會本俾

雷霆諸司官將地祇上將溫元帥正一風火
靈官馬元帥玄壇執法趙元帥地司太歲殿
元帥豐都朗靈關元帥豁落猛吏王元帥諸
司副帥傳奏功曹驅邪治病符水仙童將吏
主職威靈報應官將一合下降燈壇審實事
理佐助行持闡揚教法仍請會同內庭五祝
之神速為照勘某身田一切未來吉凶詳行
昭示庶令推測有準報應無差上彰斗法之
靈下副衆情之懇以康為信願賜感通吾在
壇前立俟昭報

隨機赴感天尊

各禮師存念如法

衛靈

玄斗元精 三素朗明 萬真啓道 掃除災群
八威玉策 普告萬靈 九辰備守 攝邪戮精

為十一

五

延年無窮 壽得長生 開明童子 備衛帝庭
星光洞照 神炁四冥 斬馘六天 制會艷山
縛送朔單 敢有稽延 金戈束形 皇道正明
伏匿魂魄 與道合真 八方威神 掃穢除氛
七元來降 玉簡刊名 乘景飛輶 上升玉清

六來鳴法鼓二十四通

無上三天始元玄三炁太上五靈老君當召
出臣等身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇天帝天真此間土地
里域等神臣今陞壇朝告謹奏爲入意其諸
忱悃已錄告聞願得

太上十方正真生炁下降流入臣等身中令

臣所啓之誠速達徑御

太上無極大道昊天玉皇上帝

北極紫微大帝北斗九皇星君御前

真光朗照天尊

然燈念呪

上帝有敕發點斗燈七王來降救護羣生

左輔右弼親現威靈天蓬元帥統領仙兵

五雷使者六甲六丁玄武大聖台中三星

治病除禍回死作生違敕者死稟救者生

大降威力誅斬妖精三魂附體七魄安寧

斗燈一照身宅光明

焚降真符 降九皇

具位臣某初謝百拜奏請

中天大聖北斗綱極宮太尉貪狼星皇君北
斗靈關宮上宰巨門星皇君北斗紫極宮司
空祿存星皇君北斗運天宮遊擊文曲星皇

爲十一

六

君北斗帝席宮斗君廉貞星皇君北斗上尊
宮大常武曲星皇君北斗關會宮上帝破軍
星皇君洞陽宮玉帝外輔星皇君隱元宮帝
真內弼星皇君北斗九皇夫人臣等恭望道

慈特賜瑤光降臨壇所鑒臣關告明示吉凶

或顯證於燈光或潛彰於物理一心恭默萬
願克從臣中謝再拜祇迎聖駕

雲輿存真降

適伸奏請已賜光臨再拜致恭淨酒香茶謹
伸進獻

散花投盆符作占

通章

長位臣某謹謹虔誠上啓

斗極祖師洞真大道元始天尊斗極玄師洞
玄大道太上道君斗極真師洞神大道太上

老君玉皇大天尊玄穹高上帝紫微上宮天
皇大帝紫微中宮北極大帝北斗高上玉皇
尊帝太微玉帝玄卿大帝上清日宮太陽帝
君上清月府太陰皇君北斗網極宮太尉貪
狼星皇君北斗靈關宮上宰巨門星皇君北

爲十一

七

斗紫極宮司空祿存星皇君北斗運天宮遊
擊文曲星皇君北斗帝席宮斗君廉貞星皇
君北斗上尊宮太常武曲星皇君北斗關會
宮上帝破軍星皇君洞陽宮玉帝外輔星皇
君隱元宮帝真內弼星皇君北斗九皇延生

夫人天罡大聖萬真節度奎光帝君東西中
三斗星君三台華蓋星君四方二十八宿星
君十二宮分星君六十甲子星君上清主照
某年某月某日建生本命星君大小二運星
君大小二限星君祿馬二庫星君胎生八位
神將命運限宮照臨真宰三元三官大帝君
北極三帥真君北極鎮天真武靈應佑聖真
君祖天師泰玄上相正一真君九州都仙太
史真君太極仙翁真君華蓋山三仙真君清
微玄樞奏告古今歷代演教諸大師真斗中

玄樞飛捷急奏報應使者方元帥斗樞上相
真君斗機通事舍人斗中擎羊陀羅二仙使
者雷霆鄧辛張三大天君上清神烈荀畢二
大天君斗中仙靈官衆某靖所隸諸司官將
燈壇格降一切羣真恭望道慈洞回昭鑒

臣聞清微御運敷正炁於紫微太極開圖煥
靈光於北極華蓋映玉垣之邃勾陳羅金闕
之崇提挈玄黃運帝車而齊七政統制經緯
握天罡而建五行飛豁落於龜圖耀奎光於
鳳簡巍巍功德赫赫神靈伏念宿植善根生

逢道運飛登而履魂魄未契虛無流吹而溷
精神徒紛濁滓過易盈於鈞石功莫積於刀
圭曲荷洪慈俾陶玄職臣某奉爲某涓卜今
宵朝告斗極專爲某順禳星度祈保平安以
今恭依元降謹請某將進拜紫極玄樞急告

爲十一

八

心章上聞

宸極伏願元皇委照玉宸流光敕五帝四司
紀善功於青簡啓三官九府消災難於玄編
冀垂擁護之仁下慰翹傾之悃臣誠惶誠恐

稽首頓首俯伏

案前須待玄恩報應具有章書謹當宣奏

宣章

熏章就焚於香爐內

就焚隨章諸符

宣遞符

上帝垂恩 七真仙靈 魁魁耀耀 明檢鬼營

魁魁耀耀 永保安寧 急急如律令

俯伏默朝 三禮

謝恩

焚謝恩符

具位臣某謹重誠上啓

斗極祖師洞真大道元始天尊斗極玄師洞

玄大道太上道君斗極真師洞神大道太上

老君玉皇大天尊玄穹高上帝紫微上宮天
皇大帝紫微中宮北極大帝北斗高上玉皇
尊帝太微玉帝玄卿大帝上清日宮太陽帝
君上清月府太陰皇君北斗網極宮太尉貪
狼星皇君北斗靈關上宰巨門星皇君北斗

為十一

九

紫微宮司空祿存星皇君北斗運天宮遊擊
文曲星皇君北斗帝席宮斗君廉貞星皇君
北帝上尊宮太常武曲星皇君北斗關會宮
上帝破軍星皇君洞陽宮玉帝外輔星皇君
隱元宮帝真內弼星皇君北斗九皇延生夫

人天罡大聖萬真節度奎光帝君東西中三
斗星君三台華蓋星君四方二十八宿星君
十二宮分星君六十甲子星君上清主照某
年某月某日建生本命星君大小二運星君
大小二限星君祿馬二庫星君胎生八位神
將命運限宮照臨真宰三元三官大帝君北
極三帥真君北極鎮天真武靈應佑聖真君
祖天師泰玄上相正一真君九州都仙太史
真君太極仙翁真君華蓋山三仙真君清微
玄樞奏告古今歷代演教諸大師真斗中玄

樞飛捷急奏報應使者方元帥斗樞上相真
君斗機通事舍人斗中擎羊陀羅二仙使者
雷霆鄧辛張三大天君上清神烈苟畢二大
天君斗中仙靈官衆某靖所隸諸司官將燈
壇格降一切羣真恭望道慈洞回昭鑒臣聞

尊帝瓊宮降晨華而椿齡衍茂玄樞玉省承
天芳而芝檢飛流惟通寂感之玄斯契潛昭
之妙況九皇垂象流精下映於坤維而八卦
成形稟粹上符於乾度仰範圍而有翼每橐
籥以無違今某翹勤紫極清淨華堂羅象世

之威儀備朝天之科法消災度厄請福延生
尚慮臣華穢濁軀濫領朝修之命玄微奧旨
罔明授受之方對越乖違存思謬誤莫由提
於後學賴肆赦於前非次願七元守形九靈
錫命勒威星而退舍百福來臻救德曜以臨

為十一

十

幾三災消落上願天元澄晏地紀安寧二曜
連珠五星合璧時調玉燭邦家隆泰運之基
歲慶金穰黎庶遂全生之願則上明
天尊大慈之化下副臣等歸命之誠謹啓以

聞

發願

復爐

香官使者左右龍虎君侍香諸靈官臣等向
來朝告之所自然生金液丹碧之英百靈衆
真交會在此香火爐前當願丹誠上格玄貺
下敷十方仙童玉女接待蘭煙傳臣向來所
奏之誠速達徑詣

太上無極大道昊天玉皇上帝

北極紫微大帝

中天大聖北斗九皇星君道前

清微玄樞奏告儀終



